

太守王公盛德帝俞美才人與自摠連率實惟澄清命屬官  
湖城主簿王子說會五太守于東平議縣乃不割郡亦仍舊  
已事修讌姑以爲別若夫階抱孤嶠軒飛凌潭阻殘暑於重  
林速高秋於絕壑其盤何有孺鹿腴羊其俎何有燔兔膾魴  
李下彫籠冰之以寒水瓜剖銛刃巾之以踈煇禮交乎上當  
世高賢之相克樂動乎下前古中和之合作抑抑焉堂堂焉  
奚一人之富有而羣后之緝熙也司徒庀舟以待司功殺設  
以告徹饌更服陳羞潔樽自回源起廣泊左拂蠶尾右遺吾  
山倒岬岫於波際指梁岑於林缺移搖敞豁瞋眇虛曠大皞  
苗裔可記任宿伯禹山川空流濟汶所遇多感祇牢爲歡焯